

docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書·華中地方·第四三三號

據  
明·周世昌撰  
明萬曆四年刊本

影印

江蘇省

# 重修崑山縣志

(一)

成文出版社有限公司印行



\*10098047\*

中國方志叢書·華中地方·第四三三號

據

明·周世昌撰  
明萬曆四年刊本

影印

江蘇省

# 重修崑山縣志

(二)

成文出版社有限公司印行



\*10098048\*

中華民國七十二年三月臺一版

# 重修崑山縣志

共二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一四三號

docsriver 文川网  
入驻商家 古籍书城

在文川网搜索古籍书城 获取更多电子书

重修崑山縣志序

余生中州往往閱載

籍

稱東南之

美輒若望見而不獲至焉比當為吏

得崑山則躍然以喜曰崑之以文獻

甲東吳舊矣是吾夙昔所願游而不

得至者今一旦吏於其土顧不幸歟

及既至奉科條惟謹外樂與其賢士



大夫游而知東南之美不獨以地也  
退而考其圖志意必有當於今昔所  
聞見者而反缺焉舊志自宋淳祐至  
今代嘉靖間作者凡五六人自方太  
常後迄今垂四十年寥寥乎未之續  
也豈其以文獻稱天下而顧猶有所  
不足邪余蓋心切圖之俄有以纂修

郡志白

二臺者臺檄諸府府下諸縣會學憲  
陳先生被

命過家因舉所善上舍周君以告曰  
是有事於載筆數年矣遂躬往求得  
之又以學校乃公論攸關而鄉先生  
爲衆言所準旣請博士王君與三四

生者共加搜輯復是正於王比部陳  
水部二先生爲卷者凡八爲目者凡  
四十有四書旣成編以上諸府而府  
志所轄八州縣猝難集也因以俸餘  
刻之邑中而檄同寅郭君董之夫以  
余之嚮往東南有日矣旣幸而竊祿  
於此交其賢士大夫以快疇昔之志



而又有入焉舉其山川謠俗人倫風物之美古今升降沿革之宜續爲一書以備一邑之文獻而余適享其成豈非幸之幸者歟顧惟淺拙奉職無狀不足以貽後之君子獨以爲是書之成將使後之徵於今不若今之徵於昔之難也昔之徵而弗備不若今

之徵而備也。僭書以引其端。若周君  
及諸姓氏則已別疏矣。故不著。

萬曆四年冬十月朔旦

賜進士第文林郎知崑山縣事涑川  
申思科謹序

原志

崑山古無志宋淳佑壬子直學凌君萬頃掌儀邊君實始承項侯公澤之請為志三卷越二十年謝侯應復加續補嗣後代有纂述然歷歲滋久或散佚而無傳或詳略有未當識者不能無遺論焉嘗繙閱之餘爰思太常方公脩舉之後今將四紀衣冠文物之盛政教興革之宜深惟久而湮沒是懼乃搜訪古志得六七家更取紀事之史考訂摭拾間附以

迂踈一得之見輯之以便觀覽示子孫非曰  
可傳也學憲霽巖陳君偶見之遂以聞於  
邑侯申父母侯曰此缺典也吾有志焉久矣  
亟命世昌足完之且教之曰志記也記邑之事  
也不患無文而患無實得其實因其文而述  
之斯為善矣若徒徇以已私叅以已作又奚  
貴乎斯言也侯蓋深知為志之難而世昌顧非  
其人也惟侯之命不敢違遂忘其謏陋彙為  
一十二卷而呈正焉然此特具其梗槩云爾

崑為三吳望邑縉紳章縫之士吐詞為經者  
比比而是必有援古證今斟酌損益勒成一  
代之典以副侯之盛舉者出焉而又何藉於  
此也然則是編也其祭祀之芻狗已乎

萬曆二年甲戌長至日邑後學汝南周世昌識



崑山縣志敘

崑山縣志凡八卷太學君周世昌撰先是顧侍御志十四卷方太常志十六卷以叅相校讎而世昌志于名宦節烈古今人學行事業為獨詳又其為文多舉要而刪冗歛實而黜華信乎可傳之書也蓋世昌書藏于家舊矣萬曆四年為

涓川申侯治崑之五年政成訪求而得  
之復請正于王學博允菴王比部華松  
陳水部春野三先生者侯知其書與衆  
合也遂刻之與侍御太常二書並傳于邑  
而名為新志蓋世昌之自叙為嘉靖戊  
戌以來四紀之籍闕而作今以志義攷  
之于侍御太常之書補所遺而續所未



及間復附以新意蓋不為無所本而更  
粲然者也故其書不得不貴乃承侯之  
命而為之敘曰夫志者其本在于民生  
風化之要而其用在于典章文物之間  
故與之為輿表民數賦貢物產官師選  
舉藝文之屬以待其有徵者莫不一出  
乎人理與之容保教思以資于治理者

docsriver 文川网  
入驻商家 古籍书城

在文川网搜索古籍书城 获取更多电子书

莫不一出乎人情故賢守令賢大夫士  
者風化之所寄而理情之所萃也古者  
宦績卑名德損則國不可以為國方是  
時非無典章文物也卒于毀頽陷滅而  
不振然則典章文物者先王有之而非  
所以恃為國也信乎宦績名德為立國  
之楨幹而風化之首先者與吾崑以文

獻甲于吳中其嚙命而來仕者含智而  
挺生者粵自晉隋以來蓋不獨才足一  
官行可一鄉而已也而烟煥乎是編者  
若而人鉅伐殊勲竒節偉行凜乎其名  
與玉山婁水相流峙有非長令丞尉之  
所能限顯晦升沈脩短之所能拘故其  
人為不朽也而其它無可槩見者卒與

零露同晞蜉蝣並化曾不足以當齊民  
之一瞬名與身而俱亡也久矣其不可  
慨已乎夫有所哀鉞于古者未有能逸  
于今者也則有所哀鉞于今者斯亦不  
能貸于後之人矣夫學史者將以明古  
今之勸誡也而可不畏乎余故推世昌  
之意而為著賢者之所宜勸不賢者之

所宜誠以傳之者使知天下之無鉅伐  
殊勲竒節偉行而不可為而有志不朽  
以求無負文獻于茲土者庶乎有以自  
發也哉是舉也侯所檄士龔子邦衡沈  
子孝顧子允燾張子文柱並能選言辯  
義揚於編摩而邑貳郭君維屏則展錯  
為資與有善成之勞焉或云例皆得書

也故為之書

萬曆丙子冬十月既望

賜進士出身中憲大夫奉

敕整飭海州等處兵備遼東行太僕寺  
少卿致仕邑人王宇書

崑山縣志凡例

一志所以稽往迹勸將來也故有美而無刺然徇私而溢美非公也適以重往者之累而貽來者之譏爾若徇私而作惡則其罪益大矣故慎之

一名宦節烈等沒者乃為立傳見在者雖善未書科貢倣此

一古今人學行事業可稱述者倣一統志例悉為立傳並以人物表見之

一前志士大夫之事績簡少者或直書於題名下或附



見於祖父子姪傳中其可傳一也考之古志皆然今從之

一傳記碑刻有關於民風事體者卽載於本題之下以便攷閱詩詞惟載前代及遠方之人慮其久而或亾也若邑中名公篇什則別集梓行多矣不能悉錄

一水利爲東南要務所宜亟講者也故舉前人水利說及已行而有成績者悉載之以備采擇

一公宇學校祠廟等項有古蹟者舊志備載而前志偶遺之今悉增入

一士夫有原係崑籍而隸名兩京各省者有發科本學  
而家于他邑者舊志俱載今從之

崑山縣凡例卷終



崑山縣志目錄

第一卷

建置沿革 分野 疆域 風俗 城池 山川

古蹟 市鎮 鄉保 坊巷 橋梁 井泉

第二卷

水利 戶口 田賦 土貢 土產 第宅

園亭

第三卷

公宇 縣官題名 學校 學官題名 壇壝

祠廟 寺觀 塚墓

第四卷

進士 鄉貢 歲貢 薦舉 例貢

第五卷

封爵 名宦 人物一 仕宦

第六卷

人物二 仕宦 貴戚

第七卷

人物三 隱逸 人物四 獨行

人物五 游寓

人物六 列女

人物七 藝能

人物八 仙釋

第八卷

災異 雜紀 遺文

docsriver 文川网  
入驻商家 古籍书城

在文川网搜索古籍书城 获取更多电子书

上  
下  
左  
右

--	--	--	--	--	--	--	--	--	--



修志名氏

太學

生周世昌編輯

儒學署教諭舉

人王體升補遺

承德郎刑部主事王執禮

奉直大夫工部員外郎陳王道攷訂

縣學 生龔邦衡

沈孝

顧允燾

張文柱校閱